

ԿԱՌԱՎԱՐՈՒԹՅԱՆ ՆԻՍՏ

ԳԻՈՐԳԻ ԿՎԻՐԻԿԱՇՎԻԼԻ. «ՆԱԽԸՆՏՐԱԿԱՆ ԶԱՐՈՉԱՐՇԱԿԱՆ ԱՆՅՆՈՒՄ Է ԱՌԱՆՅՈՒ ՄԻՋԱԴԵՊԵՐԻ»



Հունիսի 13-ին անցկացված կառավարության նիստում, Վրաստանի վարչապետ Գիորգի Կվիրիկաշվիլին հայտարարեց, որ նախընտրական քարոզարշավն անցնում է առանց որևէ միջադեպի, եւ ինքը հուսով է, որ ընտրություններին մասնակից կուսակցությունները կանցկացնեն արժանի քարոզարշավ:

Վարչապետի խոսքերով, հունիսի 13-ին անցկացվեց ընտրությունների հարցով միջգերատեսչական հանձնաժողովի անդրանիկ նիստը, որը գլխավորում է արդարադատության նախարար Թեա Ծուլուկիանին: «Նիստի աշխատանքը կարելի էր նշանակություն ունի, եւ ամեն ինչ արվել է, որպեսզի այն բոլոր սուբյեկտների համար անցկացվի հարմարապես»,- հայտարարեց վարչապետը: Նշեց, որ ազատ եւ արդարացի ընտրություն-

ների անցկացման համար, միջգերատեսչական հանձնաժողովն առաջին անգամ Վրաստանում ստեղծվել էր 2008 թվականի խորհրդարանական ընտրությունների նախօրեին: Մինչեւ 2013 թվականը այն գործում էր ազգային անվտանգության խորհրդի ղեկավարության ներքո, սակայն 2013 թվականի նախագահական ընտրություններից առաջ, այն անցավ արդարադատության նախարարության ենթակայության տակ:

ԵՎՐԱՄԻՈՒԹՅՈՒՆ-ՎՐԱՍՏԱՆ

«ՎՐԱՍՏԱՆԻՆ ԱՌԱՆՅՈՒ ՎԻՉԱՅԻ ՌԵԺԻՄԻ ՏՐԱՄԱԴՐՄԱՆ ԳՈՐԾԸՆԹԱՆԸ ԿԱՎԱՐՏՎԻ 2016 ԹՎԱԿԱՆԻ ՎԵՐՋԻՆ»

ԵՎՐԱՄԻՈՒԹՅԱՆ ՀԱՆՁՆԱԿԱՏԱՐ ՅՈՐՁԱՆՆԵՍ ՀԱՆՆԸ ՎՐԱՍՏԱՆՈՒՄ

Եվրամիության հարեւանության քաղաքականության եւ ընդլայնման բանակցությունների հարցերով ԵՄ հանձնակատար Յոհաննես Հաննը, երկօրյա աշխատանքային այցով, գտնվում է Բաթումիում մասնակցելու «Վրաստանի եվրոպական ուղին. Կայունության, զարգացման եւ բազմազանության միությունը» խորագրով միջազգային համաժողովի աշխատանքին:

Այցի շրջանակներում, եվրակոմիսարը հանդիպում ունեցավ Վրաստանի նախագահ Գիորգի Մարգվելաշվիլու, վարչապետ Գիորգի Կվիրիկաշվիլու հետ:

Վրաստանի նախագահի եւ ԵՄ հանձնակատարի հանդիպմանը կողմերը քննարկեցին Վրաստանի եւ Եվրամիության միջեւ համագործակցության հետագա զարգացման հետ առնչվող հար-

ցեր: Նշեց, որ Ասոցիացման համաձայնագրի պաշտոնական ուժի մեջ մտնելու հանգամանքն է՛լ ավելի լայն հնարավորություններ կստեղծի համագործակցության խորացման համար:

Վրաստանի վարչապետ Գիորգի Կվիրիկաշվիլու եւ ընդլայնման ու հարեւանության հարցերով եվրակոմիսարը



(Շարունակությունը՝ 2-րդ էջում)

ՀՈԿՏԵՄԲԵՐԻ 8-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ԿԱՅԱՆԱԿ «ՎՐԱՆԱԿԱՆ ԵՐԱՉԱՆՔԻ» ԸՆՏՐԱՅՈՒՅԱԿԻ ՇՆՈՐՀԱՆԴԵՍԸ



Հունիսի 13-ին Սագուրամոյում, Իլիա ճավճավաձեի տուն-թանգարանում, տեղի ունեցավ «Վրացական երազանք» կուսակցության ընտրացուցակի շնորհանդեսը:

Կվիրիկաշվիլին: Վարչապետի հավաստմամբ, իրենք մտադիր չեն շեղվելու վրաց ժողովրդի պատմական ընտրության ուղուց եւ հաստատակամորեն ընթանալու են դեպի Եվ-

րոպա, դեպի կրթված ու առաջադեմ Վրաստան:

րոպա, դեպի կրթված ու առաջադեմ Վրաստան:

(Շարունակությունը՝ 2-րդ էջում)

«ՀԱՆՐԱՊԵՏԱԿԱՆՆԵՐԻ» ԿՈՒՍԱԿՑՈՒԹՅԱՆ ԸՆՏՐԱՅՈՒՅԱԿԸ ԿԳԼԽԱՎՈՐԻ ԴՎՎԻԹ ՈՒՍՈՒՓԱՇՎԻԼԻՆ

«Հանրապետական» կուսակցության խորհրդարանական ընտրությունների համար ներկայացրած ընտրացուցակը կգլխավորի Վրաստանի խորհրդարանի նախագահ Դավիթ Ուսուփաշվիլին:

«Հանրապետականները» նաեւ հայտարարեցին նախընտրար-

տեցին հոկտեմբերի 8-ի խորհրդարանական ընտրություններին իրենց անկախ մասնակցությունը: Այդ նպատակով անցկացված ճեպատուլիսում հայտնի դարձավ, որ «Հանրապետական» կուսակ-

(Շարունակությունը՝ 2-րդ էջում)

ՎՐԱՍՏԱՆ-ՀԱՅԱՍՏԱՆ

ԸՆԴՊԾՎԵՅ ՄԻՋՏՈՐՀՐԴԱՐԱՆԱԿԱՆ ՀԱՍՏԱԳՈՐԾԱԿՈՒԹՅԱՆ ԿԱՐԵՎՈՐՈՒԹՅՈՒՆԸ

ՎՐԱՍՏԱՆԻ ԽՈՐՀՐԴԱՐԱՆԻ ԱՌԱՋԻՆ ՓՈԽԽՈՍԱԿ ՄԱՆԱՆԱ ԿՈՐԱՆԻՉԵԻ ԳԼԽԱՎՈՐԱԾ ՊԱՏՎԻՐԱԿՈՒԹՅՈՒՆԸ ԵՐԵՎԱՆՈՒՄ

Հունիսի 10-12-ին, եռօրյա աշխատանքային այցով, Երեւանում էր գտնվում Վրաստանի խորհրդարանի փոխխոսնակ, Վրաստանի խորհրդարանի եւ Հայաստանի Ազգային ժողովի միջեւ համագործակցության միջխորհրդարանական հանձնաժողովի համանախագահ Մանանա Կոբախիձեի գլխավորած պատվիրակությունը: Պատվիրակության կազմում էին Վրաստանի խորհրդարանի պատգամավորներ Ջուրաբ Տղեմալաձեն, Հենզել Սկոյանը, Պատա Բարաթաշվիլին, Սամվել Պետրոսյանը, Ռուսլան Պողոսյանը, Թեմուր Ներգաձեն, ինչպես նաեւ խորհրդարանի նախագահի խորհրդական Իա Լեպսվերիձեն, «Վրաստան» թերթի խմբագիր Վան Բայրուրթյանը:

Հայաստան-Վրաստան սահմանի «Բազրատաշեն» անցակետում Վրաստանի պատվիրակությանը դիմավորեցին Հայաստանի Ազգային ժողովի փոխնախագահ, Հայաստանի Ազգային ժողովի եւ Վրաստանի խորհրդարանի միջեւ համագործակցության միջխորհրդարանական հանձնաժողովի համանախագահ Հերմինե Նաղդալյանը, պատգամավորներ Վլադիմիր Բաղալյանն ու Տանատ Վարդապետյանը, Հայաստանում Վրաստանի դեսպանորդ Տարիել Սալաշիխան:

Հունիսի 11-ին, Հայաստանի Ազգային ժողովում, կայացավ Աժ նախագահ Գալուստ

Մահալյանի հանդիպումը Վրաստանի խորհրդարանի փոխխոսնակ Մանանա Կոբախիձեի գլ-



(Շարունակությունը՝ 4-րդ էջում)

ՄՈՒՆԻՏԻՆԳԱԿԱՆ ԶԱՐԳԱՅՄԱՆ ՀԻՄՆԱԴՐԱՄԸ ՀՅՈՒՐԸՆԿԱԼԵՅ ՀԱՅԱՍՏԱՆԻ ՊԱՏՎԻՐԱԿՈՒԹՅԱՆԸ

Վրաստանի մունիցիպալային հիմնադրամը Թբիլիսիում հյուրընկալեց Հայաստանի պատվիրակությանը եւ նրա հետ կիսեց իր աշխատանքային փորձը:

Ինչպես տեղեկացրեց հիմնադրամի գործադիր տնօրեն Ջուրաբ Տղեմալաձեն, ինքը հանդիպում ունեցավ Հայաստանի պատվիրակության անդամների հետ: Պատվիրակության կազմում էին Հայաստանի տարածքային կառավարման եւ զարգացման առաջին փոխնախարար Վաչե Տերտերյանը եւ տեղական ինքնակառավարման դեպարտամենտի ղեկավար Աշոտ Գիլոյանը: Հանդիպումն անցկացվեց Հա-

յաստանի կառավարության նախաձեռնությամբ, որի նպատակն էր Վրաստանի մունիցիպալային զարգացման հիմնադրամի գործունեության հետ ծանոթանալը: Հանդիպման շրջանակներում, Ջուրաբ Տղեմալաձեն հյուրերին ներկայացրեց հիմնադրամի նպատակները, կառուցվածքը, կառավարման մեխանիզմները, ֆինանսավորման աղբյուրները, իրավաբանական մանրամասները, ռազմավարությունն ու առաջիկա ծրագրերը:

ՏԱՐԱԾԱՇՐՋԱՆ

ՍԱՄՅԻՏԵ-ԶԱՎԱԽԵԹԻՈՒՄ ՄԵԿՆԱՐԿԵՅ ՎԵՐԱԻՆՏԵՐՄԱՆԸ ՆՊԱՏՈՂ ԾՐԱԳԻՐԸ

Սամցխե-Չավախթիում մեկնարկեց Վրաստան վերադարձող միգրանտների վերադարձի միջոցառման աջակցության պետական ծրագիրը:

Ծրագրի շնորհանդեսը տեղի ունեցավ Ախալցխեի մունիցիպալիտետի վարչության շենքում, որին ներկա էր տարաբնակեցման եւ



փախստականների հարցով նախարար Սոգար Սուբարին: (Շարունակությունը՝ 3-րդ էջում)

ԵՎՐԱՄԻՈՒԹՅՈՒՆ-ՎՐԱՍՏԱՆ

«ՎՐԱՍՏԱՆԻ ԱՌԱՆՅՈՒՄՅՈՒՆ ԳՈՐԾԵԼԹՅԱՆ ԿԱՎԱՐՏՎԻ 2016 ԹՎԱԿԱՆԻ ՎԵՐՋԻՆ»

(Սկիզբը՝ 1-ին էջում)


Յոհաննես Յաննի հանդիպմանը քննարկման գլխավոր թեման Եվրոպայի հարելանությանը նորացված քաղաքականության շրջանակներում համագործակցության զարգացման ու Եվրամիությանը

ասոցիացման ուղղությամբ Վրաստանի իրականացվելիք գործողությունների հարցերն էին:

Յոհաննես Յաննի հայտարարեց, որ, ամենայն հավանականությամբ, «Վրաստանին ԵՄ հետ առանց վիզայի ռեժիմի տրամադրման գործընթացը կավարտվի

2016 թվականի հոկտեմբերին»:

ԵՄ հանձնակատարը 2015 թվականի դեկտեմբերի 18-ին Եվրամիության խորհրդին երաշխավորել էր հրատապ կարգով քննարկել Վրաստանի, Ուկրաինայի, Կոսովոյի հետ առանց վիզայի ռեժիմի հաստատման հնարավորությունը:



ՖՐԱՆՍԻԱ

ԱՐԱՐԵԿՉԱԿԱՆ

ԳՈՐԾՈՂՈՒԹՅՈՒՆ ՆԻՍՈՒՄ

84 ՁՈՂ ԵՎ ԱՎԵԼԻ ՔԱՆ 120 ՎԻՐԱՎՈՐ

Ֆրանսիայի միջերկրածովյան Նիս քաղաքում հունիսի 14-ի երեկոյան, երբ ֆրանսիացիները նշում էին Ազգային տոնը՝ Բաստիլի օրը, իրականացված ահաբեկչության հետևանքով զոհվել է 84 մարդ: Եվս 18 մարդ գտնվում է ծայրահեղ վիճակում: Վիրավորվել է ավելի քան 120 մարդ:

Ականատեսների պնդմամբ, բռնատարր, որի վարորդն էր 31-ամյա, Ֆրանսիայի ու թունիսի քաղաքացի, Մուհամեդ Բուլիբերը, հանգստավայրի, Անգլիական լողափի հատվածում, անդադար զիզգագածել երթեկելով, 2 կմ ճանապարհահատվածի վրա վրաժարեց էնթարկել ավելի քան 200 մարդու: Վարորդը նաեւ կրակել է ամբոխի ուղղությամբ: Հարձակվողը չեզոքացվել է ոստիկանության ուժերի կողմից: «Իսլամական պետություն» ահաբեկչական խմբավորումը ստանձնել է Նիսում արյունալի հարձակման պատասխանատվությունը:

Վրաստանի քաղաքացիների թվից, բարեբախտաբար, ահաբեկչության զոհ չկա, թեպետ, ցավոք, զոհվել է 7այաստանի մի քաղաքացի, եւս երկուսը՝ վիրավորվել:

Տեղի ունեցածի առթիվ, Ֆրանսիայի դեկավարությանը իրենց ցավակցությունն են բերել Վրաստանի նախագահը եւ վարչապետը:

ՄԵԾ ԲՐԻՏԱՆԻԱ

ԹԵՐԵԶԱ ՄԵՅՆ՝ ՎԱՐՉԱՊԵՏ

Մեծ Բրիտանիայի թագուհի եղիսաբեթ երկրորդը հանձնարարել է Պահպանողական կուսակցության առաջնորդ Թերեզա Մեյնի՝ ձեռնարկել երկրի նոր կառավարությունը: Մեյնի հանդիպումը թագուհու հետ Բուքինգհեմյան պալատում հաջորդել է Դեյվիդ Քեմերոնի հետ Մեծ Բրիտանիայի միապետի հանդիպմանը, որի ընթացքում վերջինս ընդունել է Քեմերոնի ներկայացրած հրաժարականի դիմումը: Նույն օրը Մեծ Բրիտանիայի վարչապետի նստավայր՝ «Դաունինգ սթրիթ 10»-ում տեղի ունեցավ «միջուկային ճանապարհ» բանալիների փոխանցումը նոր վարչապետին: Մեյնը դարձավ բրիտանական պատմության երկրորդ կին վարչապետը: առաջինը Մարգրեթ Թեթչերն էր՝ «Երկաթյա լեդի», ով Չերչիլից հետո ամենաերկար պաշտոնավարած վարչապետն էր:

Թերեզա Մեյնը վարչապետ նշանակվեց այն բանից հետո, երբ Դեյվիդ Քեմերոնը հայտարարեց հրաժարական տալու իր մտադրության մասին՝ կապված հունիսի 23-ին տեղի ունեցած հանրաքվեի արդյունքների հետ, որի արդյունքում, բրիտանացիների 52 տոկոսը կողմ քվեարկեց Եվրոպական միությունից դուրս գալուն:

ԱՄՆ

ՈՍՏԻԿԱՆՆԵՐԻ

ՄՊԱՆՈՒԹՅՈՒՆ՝ ԴԱԼԼԱՍՈՒՄ

Յուլիսի 8-ի երեկոյան, ԱՄՆ-ի Թեքսաս նահանգի Դալլաս քաղաքում փոխիրաձգության հետևանքով, զոհվել էր 5 ոստիկան, 7-ը ստացել էին վնասվածքներ, տուժել է մեկ քաղաքացի: Դեպքը պատահել էր զանգվածային բողոքի ակցիայի ընթացքում: Դալլասում եւ այլ քաղաքներում ցույցերը սկսվել են այն բանից հետո, երբ ոստիկանները կրակ են բացել խաղաղ բնակչության ուղղությամբ՝ շարժված ընթացքում առանց ակնհայտ պատճառի սպանելով երկու սեւամորթ ամերիկացու:

Դալլասի իշխանությունները ենթադրում են, որ կասկածյալ Միկա Ջոնսոնը միայնակ է իրականացրել ոստիկանների դեմ հրաձգությունը:

ՀՈԿՏԵՄԲԵՐԻ 8-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ԿԱՅԱՆԱՎ «ՎՐԱՅԱԿԱՆ ԵՐԱԶԱՆՔԻ» ԸՆՏՐԱՅՈՒՅԱԿԻ ՇՆՈՐՀԱՆԴԵՍ

(Սկիզբը՝ 1-ին էջում)

Ներկայացնելով ընտրացուցակը, որտեղ հին անունների հետ միասին, ներառված են 15 նոր անդամներ, Գիր-

գի Կվիրիկաշվիլին նշեց, որ այդ մարդիկ աչքի են ընկնում իրենց անբասիր հեղինակությանը եւ բարձր արհեստավարությամբ: «Այսօրվա իրականությունը նոր պահանջներ է առաջադրում, ինչը մեր կուսակցությունը դիմավորում է նորացված թիմով եւ պատրաստ է պատասխանել մարտահրավերներին: Երկիրը կառուցում են միայն բարձր ար-

ժանիքներին նվիրված եւ պետականորեն մտածող մարդիկ: Հենց այդ չափանիշներով էլ ընտրվել են մեր թիմի նոր անդամները»,- հայտարարեց վարչապետը:

«ՀԱՆՐԱՊԵՏԱԿԱՆՆԵՐԻ» ԿՈՒՍԱԿՑՈՒԹՅԱՆ ԸՆՏՐԱՑՈՒՑԱԿԸ ԿԳԼԽԱՎՈՐԻ ԴՎՎԻԹ ՈՒՍՈՒՓԱՇՎԻԼԻՆ

(Սկիզբը՝ 1-ին էջում)

ցության ներկայացուցիչներ թիմա խիղաշելին եւ Պաստա Ջաբարեիշվիլին թողնում են, համապատասխանաբար, պաշտպանու-

թյան նախարարի ու հաշտեցման եւ քաղաքացիական իրավապաշտպանության հարցերով պետնախարարի պաշտոնները: Իսկ ինչ վերաբերում է «Հանրապետական» մեկ այլ ներկայացուցիչ Գիգլա

Աբուլաշվիլուն, ապա նա մնում է բնապահպանության եւ բնական ռեսուրսների պաշտպանության նախարարի պաշտոնում եւ դուրս է գալիս «Հանրապետական» կուսակցությունից:



«ՊԱՅՄԱՆՈՂԱԿԱՆՆԵՐԸ» ԸՆՏՐՈՒԹՅՈՒՆՆԵՐԻՆ ԿՄԱՍՆԱԿՑԵՆ «ՎՐԱՅԱԿԱՆ ԵՐԱԶԱՆՔԻ» ՀԵՏ ՄԻԱՍԻՆ

Ինչպես հայտարարեց Վրաստանի պահպանողական կուսակցության ղեկավար, խորհրդարանական մեծամասնության անդամ, փոխխոսնակ Ջվիադ Չիժի-

գուրին, «Պահպանողական» կուսակցությունը առաջիկա ընտրություններին ինքնուրույն չի մասնակցի: Չիժիգուրու հավաստմամբ, որոշումն ընդունվել է տե-



ՆԵՐԿԱՅԱՆՎԵՑ «ԱԶԳԱՅԻՆ ՇԱՐԺՄԱՆ» ԱՄԱՆՔԱՆՔԻՑՑ ՄԵԾԱՄԱՍՆԱԿԱՆ ՊԱՏՊԱՍՎՈՐՈՒԹՅԱՆ ԹԵԿՆԱԾՈՒՆ

Յուլիսի 14-ին, «Միասնական ազգային շարժման» ղեկավարներ Դավիթ Բաքրաձեն եւ Օթար Կախիձեն Ախալքալաքիում տեղի բնակիչներին ներկայացրին առաջիկա խորհրդարանական ընտրություններին իրենց կուսակցությունից Ախալքալաքի մեծամասնական պատգամավորության թեկնածու Արսեն Կարապետյանին:

Կուսակցության ղեկավարները, թեկնածուին ներկայացնելու շրջանակներում, տեղացիներին պարզաբանեցին կուսակցության գործունեության ծրագիրը, տնտեսական ճգնաժամից երկրի դուրսբերման իրենց հայեցակետը: Տեղացիներին օժնայն կապի միջոցով դիմեց Վրաստանի նախկին նախագահ Միխեիլ Սաակաշվիլին:

ԳԻԳԼԱ ԱԳՈՒԼԱՇՎԻԼԻՆ ԹՈՂԵՑ «ՀԱՆՐԱՊԵՏԱԿԱՆ» ԿՈՒՍԱԿՑՈՒԹՅՈՒՆԸ



Վրաստանի բնապահպանության եւ բնական ռեսուրսների պաշտպանության նախարար Գիգլա Ագուլաշվիլին պաշտոնաթող չի լինում եւ թողեց «Հանրապետական» կուսակցության շարքերը: Նրա խոսքերով, ինքը սույն որոշումն ընդունել է վարչապետի հետ խորհրդատվությունից հետո: «Այս քայլը բավականին ցավազին էր, քանի որ տարիներ շարունակ առնչվել եմ «Հանրապետական» կուսակ-

ցության հետ, սակայն որոշման ընդունման խթանիչը քաղաքացիական պատասխանատվությունն էր: Քաջատեղյակ եմ վարչապետի եւ նրա գլխավորած թիմի առաջիկա ծրագրերին, հավատում եմ, որ ընտրությունս ճիշտ է, քանի որ այն առնչվում է Վրաստանի կայուն զարգացմանը, յուրաքանչյուր քաղաքացու բարօրությանը»,- հայտարարեց Գիգլա Ագուլաշվիլին:

ՆԻՆՈՑՄԻՆՂԱ

ՔՆՆԱՐԿՎԵՑԻՆ ԲԱԶՐԱԼԵՌԻ ԳՈՏՈՒ ԲՆԱԿՉԻ ԿԱՐԳԱՎԻՃԱԿԻ ՇՆՈՐՀՄԱՆ ՀԵՏ ԿԱՊԱԾ ՀԱՐՑԵՐԸ

Յուլիսի 12-ին, Նինոծմիդայի մունիցիպալիտետի վարչության շենքում, վարչության նախագահ Գագիկ Կարսլյանի ղեկավարությամբ տեղի ունեցավ հանդիպում, որտեղ քննարկվեցին Վրաստանի կառավարության 2015 թվականի նոյեմբերի 19-ի թիվ 591 որոշմամբ հաստատված «Բարձրալեռ բնակավայրերի մշտական բնակվող անձանց կարգավիճակի շնորհման, դրա ընդհատման, դադարեցման եւ վերականգնման կարգի» հետ կապված հարցերը:

Հանդիպմանը, կարգավիճակի չունեցող կենսաթոշակառուների բազայում գրանցման համար պահանջվող փաստաթղթերը ներկայացնելուն նպաստելու նպատակով, վարչությունը հանձնարարություն տվեց տարածքային միավորներում իր ներկայացուցիչներին, որպեսզի նրանք կենսաթոշակառուներից պահանջվող լրացուցիչ փաստաթղթերի հիման վրա ժամանակին ձեւակերպեն բարձրալեռ բնակավայրի մշտական բնակչի կարգավիճակի շնորհումը:

Վերոնշյալի հստակ իրականացման

դեպքում կենսաթոշակառուներին կտրվի ընթացիկ տարվա սեպտեմբերի մեկից ստանալ 216 լարիի կենսաթոշակ:

Քննարկվեցին նաեւ բարձրալեռ գոտում ապրող բնակիչների կողմից բիզնես-ծրագրերի իրականացման հետ առնչվող հարցեր: Ծրագիրն իրականացնելու գործում տվյալ անձը մինչեւ հունիսի 29-ը Qartuli.ge կայքում պետք է լրացնի իր տվյալներն ու ներկայացնի բիզնես-ծրագիրը, իսկ տվյալներն ստուգվելուց հետո, ծրագիրը հավանության ար-



ժամանակում, տվյալ անձը կշահի այդ գրանտը եւ կստանա գումարը իր բիզնես-ծրագիրն իրականացնելու ու սեփական բիզնեսը զարգացնելու համար: Մեկ անձի համար տրամադրվում է 5000 լարի, 2 անձի համար՝ 10 հազար, 3-ի համար՝ 15 հազար լարի, եւ այս ամենը՝ առանց տոկոսադրույթի:

Ծաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՊԻՐՔՈՐՈՇՈՒՄ

ՔԱՂԱՔԱԿԱՆ ԿՈՒՍԱԿՈՒԹՅՈՒՆՆԵՐԸ ՊԱՇՏՊԱՆԵՑԻՆ ՆԱՏՕ-ԻՆ ԵՐԿՐԻ ԻՆՏԵՐՄԱՆ ԿՈՒՐՍԸ

Վրաստանի խորհրդարանի քաղաքական կուսակցություններն ընդունեցին փաստաթուղթ՝ ի պաշտպանություն ՆԱՏՕ-ին երկրի անդամակցության կուրսին:

Հռչակագրում նշված է, որ Վրաստանի քաղաքական կուսակցությունները, անկախ քաղաքական տարածայնություններից, միասնական են այն կարծիքում, որ Վրաստանը անկախ ինքնիշխան պետություն է, վրաց ժողովուրդը նպատա-

կամդված է եվրոպական ժողովրդավարության շինարարությանը, որը կապահովի ազատություն, տնտեսական ներուժ, անվտանգություն եւ Վրաստանը ձգտում է եվրատլանտյան ինտեգրացիային անդամակցությանը:

Փաստաթուղթը ստորագրել են Վրաստանի նախագահը, վարչապետը, խորհրդարանի նախագահը, ինչպես նաեւ «Վրացական երազանք», «Հանրապետական կուսակցություն», «Պահպանողական կուսակցություն», «Ազգային ֆորում», «Ազատ ժողովրդավարներ» եւ «Միասնական ազգային շարժում» կուսակցությունները:

ԹԵԱ ԾՈՒԼՈՒԿԻԱՆԻ. «ԵՍ ԿՆԱՐՈՒՆԱԿԵՄ ՂԵՎԱՎԱՐԵԼ ԳԵՐԱՏԵՍՉՈՒԹՅՈՒՆԸ»

Ինչպես հայտարարեց Վրաստանի արդարադատության նախարար Թեա Ծուլուկիանին, ինքը մտադիր չէ պաշտոնաթող լինել:

Նրա խոսքերով, գլխավոր խնդիրն է գերատեսչությունը կայուն իրավիճակում հասցնել ընտրություններին եւ պահպանել գերատեսչության չեզոքությունը:

Վրաստանի նախագահը Զուրաբ Պատարաձեի թեկնածությունը առաջադրել է Աջարիայի կառավարության ղեկավարի պաշտոնում: Նախագահը հուսով է, որ Ինքնավար Հանրապետության Գերագույն խորհուրդը կպաշտպանի նրա թեկնածությունը:

Կեր նախարարների հետ միասին նախագահական եւ տեղական ընտրություններից հետո, ստեղծել օրինակելի արդարացի եւ ազատ ընտրությունների երրորդ նախադեպը,- հայտարարեց Թեա Ծուլուկիանին:



ՏԱՐԱԾԱՇՐՋԱՆ

ՓՈՓՈԽՈՒԹՅՈՒՆՆԵՐ՝ ԱԶԱՐԻԱՅԻ ԿԱՌՎԱՐՈՒԹՅՈՒՆՈՒՄ



Հուլիսի 14-ին, Վրաստանի նախագահ Գիորգի Մարգվելաշվիլին պաշտոնաթող արեց Աջարիայի Ինքնավար Հանրապետության կառավարությանը եւ ժամանակավոր պաշտոնակատար նշանակեց Ղազախստանում Վրաստանում նախկին դեսպան Զուրաբ Պատարաձեին:

Ժամանակավոր պաշտոնակատարը նշանակվում է երկու ամսով, այդ ժամանակահատվածում սկսվում է նոր կառավարության ձեւակերպման գործընթացը:

Վրաստանի նախագահը Զուրաբ Պատարաձեի թեկնածությունը առաջադրել է Աջարիայի կառավարության ղեկավարի պաշտոնում: Նախագահը հուսով է, որ Ինքնավար Հանրապետության Գերագույն խորհուրդը կպաշտպանի նրա թեկնածությունը:

Զուրաբ Պատարաձեի թեկնածությունը հաստատման համար, Գերագույն խորհուրդում անհրաժեշտ է 12 ձայն: Ներկա դրությամբ, «Վրացական երազանքը» Աջարիայի Գերագույն խորհուրդում ունի 9 ձայն:

Ավելացնենք, որ Աջարիայի կառավարության նախկին ղեկավար Արչիլ Խաբաձե, խորհրդարանական ընտրություններին մասնակցելու պատրվակով, պաշտոնաթողության դիմում է ներկայացրել:

ՍԱՄՅԻՆԵ-ԶԱՎԱՍԵԹՈՒՄ ՄԵՎՆԱՐԿԵՑՎԵՐԱԻՆՏԵՐՄԱՆԸ ՆՊԱՏՏՈՂ ԾՐԱԳԻՐԸ

(Սկիզբը՝ 1-ին էջում)

Հանդիպմանը մասնակցում էին տեղական ինքնակառավարման մարմինների եւ հասարակական կազմակերպությունների ներկայացուցիչները: Ծրագրի նպատակը հայրենիք վերադարձող միգրանտներին ինտեգրման համար համապատասխան պայմանների ստեղծումն է: Խոսքը վերաբերում է

նաեւ Հայաստանի քաղաքացիություն ստացած եւ, դրա արդյունքում, Վրաստանի քաղաքացիությունը կորցրած գլխավորապես Սամցխե-Ջավախեթի տարածաշրջանում ապրող միգրանտի կարգավիճակ ունեցող քաղաքացիներին:

Մեր հասարակության համարյա մեկ երրորդ մասը արտասահմանում է գտնվում, ոմանք՝ ուսում ստանալու համար, ոմանք սոցիալական վատ պայմաններից փախան: Շատ կարեւոր է, որ նրանք հայրենիք վերադառնալու արժանի հնարավորություն ունենան,- նշեց նախարար Սոզար Սուբարին:

Տեղում ծրագիրը կիրականացնի «Տուրեանտ» կազմակերպությունը: Նշված օգնությունից կարող են օգտվել Վրաստանի քաղաքացիները, որոնք մի տարվա ընթացքում

ապօրինի գտնվում էին արտասահմանում եւ հայրենիք վերադառնալուց դեռ մի տարի չի անցել: «Ծրագրի սահմաններում, ունենք 400 հազար լարի, որով կարողացանք օգնել 165 միգրանտի: Այս տարի մեր ծրագրի բյուջեն 600 հազար լարի է կազմում», - նշեց միգրացիայի եւ հայրենադարձության բաժնի ղեկավար Ռուստան Ասաթիանին:

ԳՈՐԾԱԳԻՐ

ՀԱՍՏԱՏՎԵՑ ԳՆԱՆԱՊԱՐՀԱՅԻՆ ԱՆԿՏԱՆԳՈՒԹՅԱՆ ՌԱԶՄԱՎԱՐՈՒԹՅՈՒՆԸ

Գիորգի Կվիրիկաշվիլին հայտարարեց, որ երկրի գործադիր իշխանությունը հաստատել է ճանապարհային անվտանգության ազգային ռազմավարությունը:

Նախագծի իրականացման նպատակով, էկոնոմիկայի եւ կայուն զարգացման նախարարությանն առընթեր ստեղծվել են միջգերատեսչական հանձնաժողով եւ աշխատանքային խումբ: «Սույն ռազմավարությունը նոր ուղղություն է՝ երաշխավորված մի-

ջազգային կազմակերպությունների եւ գլոբալ փորձագետների կողմից: Դա կարեւոր փաստաթուղթ է Վրաստանում ճանապարհային անվտանգության կայուն եւ երկարաժամկետ կառավարման համար», - հայտարարեց վարչապետը եւ հավելեց, որ այդ

ուղղությամբ վերահսկողությունը իրականացնելու է էկոնոմիկայի նախարարությունը: «Բնականաբար, այդ գործում կարեւոր դեր են կատարելու նաեւ մյուս գերատեսչությունները, առաջին հերթին, ՆԳ նախարարությունը, տարածաշրջանային զարգացման եւ ենթակառուցվածքի նախարարությունը, առողջապահության նախարարությունը եւ այլն»:

ԱՆԱԼՔԱԼԱՔԻ ՄՈՒՆԻՑԻՊԱԼԻՏԵՏ

ԶԱՐՀՈՒՐԵԼԻ ՈՋՐԱԳՈՐԾՈՒԹՅՈՒՆ՝ ԱՆԱԼՔԱԼԱՔԻ ՎԱԶԻԱՆ ԳՅՈՒՂՈՒՄ

Ախալքալաքի շրջանի Վաչիանի գյուղում հուլիսի 9-ի լույս 10-ի գիշերը, սեփական տան մեջ, սպանել են Քաջոտյանների ընտանիքի 4 անդամներին. մորը՝ 37-ամյա Օֆելյային, զավակներին՝ 16 տարեկան Արմինեին, 18-ամյա Ասյային եւ 5-ամյա Սերգեյին:

Դաժանաբար սպանված Քաջոտյանների ընտանիքի 4 անդամներին առաջինը գտել են սպանված տանտիրուհու ծնողները, որոնք հարեւանությամբ են ապրում: Սպանության կասկածանքով, բերման են ենթարկվել մի քանի հոգի: Ոստիկանության իրապարակած տեղեկատվության համաձայն, սպանությունը կատարել է նույն գյուղի բնակիչ, 1992 թվականին ծնված Նոդար Ակոպովը: Ոճրագործության պատճառը գործությունն է եղել: Հետքերը թաքցնելու համար, հանցագործը կտրել է գողացած հեռախոսներից մեկը, իսկ մյուսը հայտնաբերվել է ոստիկանների կողմից: Ն.Ակոպովը

ոստիկանությունում ինքնախոստովանական ցուցմունք է տվել: Ախալքալաքի շրջանային դատարանը բավարարել է դատախազի պահանջը: Նոդար Ակոպովը մեղադրվում է սպանություն ծանրացնող հանցանքներում հանցանքի մեջ, որը որպես պատիժ, նախատեսվում է 16-ից 20 տարվա կամ ցմահ ազատազրկում:

Հուլիսի 13-ին Վաչիան գյուղում կայացավ սեփական տան մեջ դաժանաբար սպանված Քաջոտյանների ընտանիքի 4 անդամների հուղակավորությունը: Ընտանիքի հայր՝ Վաղինակ Քաջոտյանը, հուղակավոր

ության նախօրեին շտապ եկել էր Խաբարովսկից: Հուղարկավորությանը ներկա էին Վրաստանում Հայաստանի արտակարգ եւ լիազոր դեսպան Յուրի Վարդանյանը, Ախալքալաքի, Նինոծմինդայի, ինչպես նաեւ տարածաշրջանի մյուս մունիցիպալիտետների ղեկավարները, Սամցխե-Ջավախեթի ընդհանուր առաջնորդական փոխանորդության հոգեւոր դասը: Հուղակավորությանը իրենց մասնակցությունը բերեցին նաեւ Սամցխե-Ջավախեթի տարբեր գյուղերից, Թբիլիսիից, Երեւանից եւ Ռուսաստանից ժամանած մարդիկ: «Վրաստան» թերթը խորապես վշտացած է Քաջոտյանների ընտանիքում տեղի ունեցած ոճրագործության կապակցությամբ եւ իր ցավակցությունն է բերում ընտանիքի հարազատներին ու մերձավորներին:

ՎՐԱՍՏԱՆ-ՀԱՅԱՍՏԱՆ

ԸՆԴՊՇՎԵՑ ՄԻՋԽՈՐՀՐԴԱՐԱՆԱԿԱՆ ՀԱՄԱԳՈՐԾԱԿՑՈՒԹՅԱՆ ԿԱՐԵՎՈՐՈՒԹՅՈՒՆ

(Սկիզբը՝ 1-ին էջում)

խավորած պատվիրակության հետ:

Գալուստ Սահակյանը, ողջունելով Մանանա Կոբախիձեի այցը Հայաստանի խորհրդարան, հույս հայտնեց, որ այն կնպաստի հայ-վրացական բարեկամական հարաբերությունների առավել խորացմանն ու ամրապնդմանը:

Նրա խոսքերով, Հայաստանը կարելու է Վրաստանի



հետ բազմակողմ կապերի խորացումն ու ընդլայնումը: Այս համատեքստում նա կարելու է նաև միջխորհրդարանական համագործակցությունը միջազգային հարթակներում:

Վրաստանի խորհրդարանի փոխնախագահ Մանանա Կոբախիձեն, շնորհակալություն հայտնելով ընդունված համար, արժեւորեց երկու երկրների բարեկամական հարաբերությունները: Փոխխոսնակը գոհունակությամբ փաստեց, որ վերջին տարիներին բավականին աշխուժացել են վրաց-հայկական խորհրդարանական կապերը:

Ջրուցակիցները խոսեցին նաև Հայաստանի և Վրաստանի տնտեսական համագործակցության զարգացման հեռանկարների և փոխադարձ հետաքրքրություններ կայացնող այլ հարցերից:

ՔՆՆԱՐԿՎԵՑԻՆ ՆՈՐ ՉԵՎԱԶՈՓԵՐԻ ԵՐԱՆԱԿՆԵՐՈՒՄ ՀԱՄԱԳՈՐԾԱԿՑՈՒԹՅԱՆ ՀԱՐԱՎՈՐՈՒԹՅՈՒՆՆԵՐԸ

Հունիսի 11-ին տեղի ունեցավ Հայաստանի ԱԺ փոխնախագահ, ՀՀ Ազգային ժողովի և Վրաստանի խորհրդարանի միջև համագործակցության միջխորհրդարանական հանձնաժողովի համանախագահ Յերմինե Նադդայանի և միջխորհրդարանական հանձնաժողովի անդամների հանդիպումը Վրաստանի խորհրդարանի փոխնախագահ, Վրաստանի խորհրդարանի և Հայաստանի Ազգային ժողովի միջխորհրդարանական հանձնաժողովի համանախագահ Մանանա Կոբախիձեի գլխավորած

պատվիրակության հետ:

Հանդիպմանը երկու երկրների միջև միջպետական և միջխորհրդարանական երկխոսության զարգացումն ու շարունակականությունն ապահովելու տեսանկյունից կարելու է փոխադարձ, տարբեր մակարդակով հանդիպումները, ինչպես նաև Միջխորհրդարանական հանձնաժողովի գործունեությունը: Անդրադարձ կատարվեց միջազգային հարթակներում երկու երկրների պատվիրակությունների փոխգործակցությանը ընդգծվեց, որ այս ոլորտում վերջին շրջանում համագործակցությունը բավականին արդյունավետ է:

Հանդիպմանը Հերմինե Նադդայանն անդրադարձավ նաև քաղաքական կարելու է խնդիրներին, մասնավորապես՝ ԼՂ հակամարտությանը:

Երկկողմ համագործակցությունն առավել արդյունավետ և գործնական դարձնելու նպատակով, կողմերը



քննարկեցին նոր ձեւաչափերի շրջանակում համագործակցության հնարավորությունները:

Հանդիպման ընթացքում անդրադարձ է կատարվել նաև տարածաշրջանային անվտանգության ապահովմանը, տնտեսական համագործակցությանը և երկկողմ հետաքրքրություններ կայացնող մի շարք այլ հարցերի:

ՆՈՐ ԼԻՑՔ՝ ԳՈՐԾԸՆԿԵՐԱՅԻՆ ՀԱՐԱԲԵՐՈՒԹՅՈՒՆՆԵՐԻՆ

Հունիսի 12-ին, Հայաստանի փոխվարչապետ, միջազգային տնտեսական ինտեգրման և բարեփոխումների նախարար Վաչե Գաբրիելյանի և Վրաստանի խորհրդարանի նախագահի առաջին տեղակալ Մանանա Կոբախիձեի գլխավորած պատվիրակության հանդիպմանը կարելու է հայ-վրացական դաշնակցային հարաբերությունների բարձր մակարդակը և այս համատեքստում հայ-վրացական տնտեսական համագործակցության միջկառավարական հանձնաժողովի ակտիվ գործունեությունը՝ ուղղված երկու երկրների միջև տնտե-

սական համագործակցության խորացմանը:

Կողմերը գոհունակությամբ ընդգծեցին, որ հայ-վրացական երկկողմ համագործակցության մեջ առանձնակի կարելու է ունի նաև միջխորհրդարանական համագործակցությունը, և խորհրդարանական դիվանագիտության շնորհիվ Հայաստանն ու Վրաստանը կարող են նոր լիցք հաղորդել երկու երկրների գործընկերային հարաբերություններին:

Հանդիպման ավարտին, Վրաստանի խորհրդարանի նախագահի առաջին տեղակալը շնորհակալություն հայտնեց Հայաստանի փոխվարչապետին ընդունված և երկկողմ հարաբերությունների խորացմանն ուղղված Հայաստանի կառավարության ջանքերի համար:

ՀԱՐԳԱՆՔԻ ՏՈՒՐՔ՝ ՀԱՅՈՑ ԾԵՂԱՄՊԱՆՈՒԹՅԱՆ ԶՈՂԵՐԻ ՀԻՇՏԱՍԿԻՆ

Աշխատանքային այցով Երեւանում գտնվող Վրաստանի խորհրդարանի փոխնախագահ, Վրաստանի խորհրդարանի և Հայաստանի Ազգային ժողովի միջև համագործակցության միջխորհրդարանական հանձնաժողովի համանախագահ Մանանա Կոբախիձեի գլխավորած պատվիրակության անդամները հունիսի 11-ին Հայաստանի ԱԺ փոխնախագահ, Հայաստանի ԱԺ-ի և Վրաստանի խորհրդարանի միջև համագործակցության միջխորհրդարանական հանձնաժողովի համանախագահ Յերմինե Նադդայանի ուղեկցությամբ, այցելեցին Ծի-



ծեռնակաբերդի հուշահամալիր:

Վրաստանի խորհրդարանական պատվիրակության ղեկավարն ու անդամները ծաղկեպսակ դրեցին Հայոց Մեծ եղեռնի հուշակոթողին, ծաղիկներ խոնարհեցին անմար կրակի մոտ և լռությամբ հարգեցին սուրբ նահատակների հիշատակը:

«Վրաստան»-«Արմենպրես»

ՀԱՐՑԱԶՈՐՈՒՅՑ

ԳՏԻՐ ՔՈ ՀԻՊՈԹԵԲԱՅԻՆ ԿԵՆՏՐՈՆԸ

Վրաստանի մասշտաբով 80 շինարարական նախագիծ վաճառման ենթակա 2750 բնակարան TBC բանկի հիպոթեքային կենտրոնը, որը վրացական շուկայում հայտնվեց անցյալ տարվա սեպտեմբերին, մեկ տարուց ավելի քիչ ժամանակահատվածում անշարժ գույքի վարկավորման ոլորտում դարձավ առաջատար կազմակերպություններից մեկը: TBC բանկի անհատական վարկերի վաճառքի բաժնի ղեկավար Նինո Դաճեհվալիին պատմեց ոլորտի զարգացման հեռանկարների և հիպոթեքային կենտրոնի կողմից մատուցած ծառայությունների մասին:

- Հիպոթեքային վարկը բոլորից բարձր պահանջարկ վայելող սպասարկումն է, ինչպես բանկերի վարկային ոլորտում, այնպես էլ՝ բրոկերային և անշարժ գույքի վաճառքով զբաղվող ընկերությունների համար: Ի՞նչ առավելություն ունի հիպոթեքային կենտրոնը մյուս մրցակիցների նկատմամբ:

- TBC բանկի հիպոթեքային կենտրոնի գլխավոր առավելությունը մեկ պատուհանի սկզբունքն է: Մեր հաճախորդներին տրված է շուկայում գործող բոլոր առաջատար օպերատորների առաջարկությանը միանշանակ ծանոթանալու հնարավորություն, միաժամանակ TBC բանկից լավագույն պայմաններում ստանալու ցանկալի հիպոթեքային վարկը:

Հիպոթեքային կենտրոնում, հանգիստ ու խաղաղ պայմաններում, հաճախորդը կարող է ծանոթանալ ոլորտում ներկայացված նախագծերին, պարզել, թե կոնկրետ ինչ պայմաններում կարող է բարելավվել գնման ենթակա անշարժ գույքը, ապա ընդունելու հիպոթեքային վարկը՝ ձեռնարկ պայմաններով: Նախագծերի վերաբերյալ տեղեկատվությունը մատչելի է նաև մեր կայք-էջում:

Որպեսզի մշտապես գտնվեք մրցունակ շուկայում, ձգտում ենք առավելագույնս համագործակցել ոլորտի օպերատորների հետ, բնականաբար, հաշվի առնելով վստահության սկզբունքը:

Մեր հաճախորդներին առաջարկում ենք թքիլիսիում, Բաթումիում, Բակուրիանիում, Գուրաուրիում և Մառնեուլիում իրականացվող 80 շինարարական նախագծերը:

- Որքանով է նշանակալի պահանջարկը նորակառույց բնակարանների հարցով:

- Եթե հաշվի առնենք հարցման արդյունքները, առաջնային շուկայում պահանջարկը բավականին մեծ է, թեպետ հարկ է նշել, որ հրատապ է նաև, այսպես կոչված, երկրորդային բնակարանների առքուվաճառքը:

- Ընտրությունը կատարելիս՝ հաճախորդը ո՞ր գործոնների վրա է բեռնում ուշադրությունը:

- Ուշադրությունը բեռնում է մի շարք նշանակալի գործոնների վրա՝ օգտագործած շինանյութերի որակը և էկոլոգիական յուրահատկությունները, ռեկրեցիան, գոտու կարգավիճակը, ենթակառուցվածքը: Ներկայիս հաճախորդների պահանջները բավականին բարձր են և ոլորտի օպերատորները ձգտում են այսօրվա գնորդներին ներկայացնել համապատասխան առաջարկություններ: Բնականաբար, այդ ամենն ազդեցություն է գործում գնի վրա, սակայն նորաբնակների համար առաջնահերթային են որակի և հարմարավետ միջավայրի պայմանները: Նաև հարկ է նշել, որ մեծ է պահանջարկը վերանորոգված բնակարանների հարցում, թեպետ շատերը գերա-

դասում են բնակարանները հանդերձավորել, ըստ իրենց հայեցողության:

- Օտարերկրյա քաղաքացիները կամ արտասահմանում ապրող վրացիները կարո՞ղ են օգտվել, արդյոք, Ձեր առաջարկած ծառայություններից:

- Վարկեր ենք տալիս ինչպես արտասահմանում գտնվող վրացիներին, այնպես էլ՝ օտարերկրյա քաղաքացիներին: Նման դեպքերում, համաձայնակցությունը համեմատաբար բարձր է, իսկ վարկի մարման ժամկետը՝ կարճ, առավելագույնս՝ չորս տարի: Դա առանձնակի հետաքրքրում է արտասահմանում ապրող վրացիներին: Հիպոթեքային կենտրոնի միջոցով, առանց Վրաստան մուտք գործելու, միայն հեռախոսով հնարավոր է իրավասու և վստահելի տեղեկատվություն ստանալ երկրում իրականացվող նախագծերի մասին և հուսալի բանկից ստանալ հիպոթեքային վարկ: Արդյունքում՝ տնտեսվում է ժամանակը, որը բոլորիս համար նշանակալից հանգամանք է:

- Ո՞վ է Ձեր նպատակային սեգմենտը:

- Մեր սեգմենտում ներառված են բոլոր այն մարդիկ, ովքեր շահագրգռված են անշարժ գույքի ձեռքբերման հարցում: Ելնելով եկամուտից՝ նրանք կարող են կատարել ցանկալի ընտրություն: Օրինակ, Թբիլիսիի արվարձաններում, եթե պայմանականորեն ասենք, մեկ քառակուսի մետրը արժե 400 դոլար, ապա 30 քառակուսի մետր էկամոն դասի տարածքի բնակարանը կարելի է գնել 12 հազար դոլարով: Նման դեպքերում, համաձայնակցությունը կազմում է մոտավորապես 3 հազար դոլար, իսկ ամենամսյա մուծումը կազմում է 110 դոլար: Թբիլիսիում ամենամեծ պահանջարկ վայելող քաղաքային Սաբուրթալոն է, որտեղ մեկ քառակուսի



մետրի միջին արժեքը կազմում է 800-1000 դոլար, ապա՝ Դիլոմին, Վարկեթիլին և Գլդանին: Ամենաթանկ բնակարանները կենտրոնական քաղաքային մետրի միջին արժեքը կազմում է 1500-2000 դոլար:

- Ո՞ր գլխավոր սկզբունքով եք ծրագրում աշխատանքը շարունակել մրցակցության պայմաններում:

- Այսօրվա դրությամբ, անմիջական մրցակից չունենք, թեպետ գործում են բավական թվով բրոկերային և անշարժ գույքի առքուվաճառքով զբաղված ընկերություններ: Վերոնշյալ սպասարկումը մատչելի է տարբեր կայք-էջերում, որտեղ նորաշեն բնակարանները ներկայացված են առանձին: Եվ դա տրամաբանական է, քանի որ, այդ առումով պահանջարկի մակարդակը բարձր է:

Մենք բոլորի համար բաց ենք, հիպոթեքային կենտրոնը անշարժ գույքի գնման միակ հնարավորությունը չէ, թեպետ, հավակնում ենք սպասարկման այդ շուկայում լինել առաջին հնգյակում:

ՆԻՆՈ ԿԱԶԵԻՇՎԻԼԻ